



Pambhame

"Nimluv : 32 "Su : -Buu -faa -Kwε : 2010 "Su -bha 'sëëdhe -mü "Gwεetaawo

'WɔN -TAɔNG -MA 'GÜ 'SËËDHE


Mε -dewo -yö -së

'Mε "dhü =në "yɔn -kë ö -dega -bha pë -bha, 'yö- "dhia -yö gun -naa 'ma- mε -kpea -nu 'gü. -A suu -mü kwa -de -wo bha- 'ka. 'Bha- -wɔn 'kun "gbu-, 'yö- =bhlëë 'ö -kë mε "wee -nu wëëdhö. -A -wɔn 'gü, kö kwa -de -wo bha, -a -ya -sü waa- -wo pö -sü bha, -kwaa -nu -wɔn 'kun "gbu-. -Kwa kwa -de nu -a -nu draan- -sü -dhe. -Kwa kwa 'ko -nu faan dɔ -a -nu draan- -sü -bha -dedewo.

Kwaa- =danwo pö "se 'gü -wɔn

"Maadhö

'Ya -a -bleesü pö ka -dhe 'nu, 'yö 'yi 'go 'mü 'zü 'yi- 'bha pö sië ya. Kö -kwa 'gü ma -së aa- "Maadhe bha, "kwi -naa =bidhong 'kpii- do -yö mü 'ö 'wɔn 'ö -gban pë ta -sü -bha 'ö -gban a -bha. -Wa -dhe 'Senëra (CNRA). 'Mε -nu 'wo bha =në 'ö =wa baa suu -dee 'bha =sleë. Baa bha -wa -dhe **BAKU**. "Kwi -a "su 'ö -kë 'Utö 'ka, 'ö 'kwa- -dhe "ze -kwe 'ö -ziö ya (2008) 'gü bha- 'ka 'pödhe 'ö -kë -**Vunggwëe** 'ka bha- 'gü. Baa bha -wa -pö -yö -kë "vaandhö 'ö go 'mü 'ö -dhi -dedewo. Kö -wo "kadhi do ta, '**tɔngnö -kaɔng -yaaga** (30) =në go- 'gü. 'Yö kwaa- baa 'dhe 'kö 'kwa- dɔ 'ö kwa -gɔ 'bhlaadhe -nu 'gü bha, yö -zë -a "kadhi do '**tɔngnö "sɔɔdhu** (5) =në go- 'gü. Baku bha -wa -ta -dhe =gban 'gü 'ö -dhi. -Dhe do senng 'ö 'yaa dhi- -bha, yö -mü 'baa- 'gü -dhe =në -a 'ka. "yeeen 'gü -dhe -ziaan -yö -dhi -a -bha. Baku bha -yö -kë "vaandhö. "Su -**kaɔng do ö ga do** (11) -bha -yö mü. 'Yö- 'dhe 'ö 'yaa kë "vaandhö 'ö -kë "su -**kaɔng do ö ga -yiisiö** (14) waa- **kaɔng do ö ga "saaga** (15) =zinng 'gü. -Waa pö woo- ta, -a "se =në 'ö 'wo- -ya. CNRA bha -yö kë dhebhë -nu 'ö 'wo -Vunggwëe, -a -nu faan -dɔ kö -wo baa bha- ta. -A -wɔn 'gü, -yö kë gbaødhe -kë -a -nu -gɔ baa zɔn =mangzii do, "bang -nu, klaa" -nu 'ka -dedewo. Baku -wɔn bha -kwaa 'kun kwa faan 'ka. Yö =në ka "yan 'dhö- ta -dhe -bha pë "bin 'gü ya.



L'ALPHABET DAN

L'alphabet dan comprend **trente neuf** (39) **lettres** dont vingt deux (22) consonnes et **seize** (16) voyelles de base

--	--

Kwaa- "Kədivua -se 'gü -wən

-Kwaa "Kədivua -se 'gü -wən

Gizame 'ö = Klang- -nu 'wo- pase 2008-2009 'gü,
'yii kë -së tongtongdhö, -kaa -wo pö ka "dhiï



Bleve 'dhö, 'Bakö waa- 'kpii- 'dhe 'wo- -dhe 'Beteesü (BTS).

'Bakö -bha bha = clang- 140 545 = në 'wo dho gizame 'dhe bha- -bha 'yö mε 28 487 'wo- = slɔɔ. Kö 'mε 'wii kë 'Bakö = slɔɔ bha -wo -gun 112 058.

Bleve, mε 249 476 = në 'wo kë dho- -bha. Mε 57 452 = në 'wo- = slɔɔ 'yö 'mε 'wii- = slɔɔ 'wo gun 192 024.

Beteesü (BTS) bha mε 38 254 = në 'wo kë dho- -bha, 'yö mε 9 272 'wo- = slɔɔ 'yö mε 28 982 'wo kɔn- 'ka.

= Ya kë "dhü kö = clang- -nu bha -a -nu = gban "pepe -da 'ko -ta -sü -wo -gun mε 428 275 'yö mε 333 064 'wii kë genyen.

'Mε 'ka yö = ya kë "dhü kö -kwa -dhe -ga -dhe 'ö bha- 'gü kö 'kwa 'wən 'bha 'suaan- bho.

-Kwa kwa -de 'kun, -kwa kwa -de 'kun:


'Wëë- 'dhe ga suu yaa = ple = wa -da "Kədivua -se 'gü.

"Sëgɔ = ple = në 'wëë- suu 'ö "dhü bha, 'ö- -nu 'gü. -A do -mü kwaa- "se 'ka ('Biya), 'yö- do 'dhö -kë Senegalë -se 'ka (Dakaa). 'Wëëga bha "gblü = ple "dhe -yö mü 'yö këng = ple "dhe 'dhö mü.

"Gblü = ple "dhe bha, -a 'dhe 'ö -së "nimlɔɔ ya (07383225792 A) 'yö- -ta. "Nimlɔɔ -kaɔng do ö ga do .

'Wən 'ö -gban "Kpvngtaadhe -wən -bha





. 'Yö- -totaamasü 'wo pë =müng bha woo =de 'pö -a 'dhe 'wo- -nu =müng bha, -waa -nu -blü "se -ta 'yö "se =ya kë "wəwəsü =ya ziö 'ka -naa 'gü. =Ya kë "dhü =wa pë ta, 'yaa dhi. =Ya 'go mü 'yö "yua =ya kë 'gbε "siü dö -sü, "yi -nu -bha pa -sü -nu "gblüü "piü, -a -gen -mü =dhe kö -tiaandhe 'ö yöö mü 'yaa 'dhö. =Ya 'go mü, 'ke- kë -dhe -nu 'waa =slɔɔ -tiaandhe.

Mε =slɔɔ -pë -nu -wən

'Wēëga -yö =sofani -truö -sü 'gü



Wü -nu 'ö kwa "yan 'dhö- -nu -bha ya =në 'kwa- -nu -dhe =sofani, 'yö "kwi 'dhö 'ö bha pë -dhe lapen. -A -tuö -dhe 'yaa "gbu- 'gbε, -a -gen -mü =dhe -yö "wı̄sı 'ö- 'tö -dede 'ö -kë -gblöfe 'ka bha -a "dhü waa- "dhe bha

-ya -nu -bhö. -Yö "kwi -bhöpë "keε 'ö 'kwa- -nu =slɔɔ kwaa- "dhɔɔkwëë -dhe -nu 'gü 'wo- -dhe kaarjö bha, -a -bhö. -A "bin =nε

-Wo -bhöpë -nu =sofani -dhe -dhekpaayi

-yaaga (3) -bha. =Ya 'go mü, 'waa "yi -dhiisü mü. "Yi -dede 'ö məbhı 'dhö- mü 'yö 'wo- nu- -dhe. -A -nu wədhe bha, -a -dhe -ya -bha kö -yö -gblü -së 'ka. =Ya 'go 'bha wo mü kö =bhedhe 'wo =slɔɔ wü -nu -bha =dhɔtrɔɔ =plöö, -yö nu- -nu -dhe.'Wən 'ö -gban -a -nu "dhɔɔ dɔ

-wɔn -bha = Ya kë yi "wewε -nu 'ka, -a do sɔnng -yö -sü këng "saaga (4 000) -bha 'ö yö 'ka "gblüdo
ö -ta = ple (6 000) -bha.

= Ya kë 'fetö yi -nu 'ka, -a do sɔnng -yö -da "gblü = ple ö -ta -yiisiö (12 000) 'gü. = Ya kë
-dhe 'bha -nu 'gü -wa "dhɔɔ -dɔ "kidhung -bha. -A "kidhung do -yö 'wëë- këng "saɔple (3500), këng
"saaga (4000), "kεε kö -a 'bha -nu -wo -mɔɔ "kidhung "sɔɔdhu -bha. -A 'dhɔ -me -nu -mü 'mε -nu
'wo pë -kpa = dhoteε -kɔ -nu 'gü bha, -a -nu 'ka. Kö
-wa -da "tuv = bhaa = dhoteε -kɔ 'gü, -a -plang do
-yö 'wëë këng = ple (1 000). 'Wo -nu -wɔn kun -kɔ 'ö- -bha -Wa -nu -to 'seennë 'ka kö- -nu "su -yö
-yaaga (3). -A gɔn -yö -wɔ zian "wεε 'ka, 'yö- mu 'dhö -wɔ 'pö zian "wεε 'ka. -A -nu "su = ya kë -
yiisiö (4) 'yö- mu 'dhö dho- goɔn- -sü "piü. "Kεε 'ka- -ga = dhe -a -nu = gban = ple -wo "dhinaa 'ma
sië, 'yö 'ka- -dhee bha- bho 'mü. -A -dhee bha = ya 'gu 'sü,
-dhækpaɔyi

-kaɔng -yaaga ö ga do (31) = në 'ö- -kë 'yö 'në kpɔ. "Kεε 'ö 'gbiö- -a -bha -bhöpë bha -wa -nu -dhe
-naa 'ka. 'Yaa- -bhö zuë" yaa -dhe -bha. = Ya bo ö 'kpɔ -sü 'ka, -yö pë -bhö -dedewo kö -ya -zo 'kun
kë "dhü kö- 'yɔn "yi -yö kë 'gbε kö 'në -nu -wa mü. -Yö ö -kpɔ gbeng. Kö- -dhe -ya -bha kö 'ka- -nu
-ga "tüng = gban 'gü. "Nεε -yö -ziö -a 'në -nu zë -sü -go. -A 'në -nu bha, -wo 'yɔn -mü -dhækpaɔyi -
kaɔng = ple ö ga "saɔpɔ (27) "iin -kaɔng -yaaga ö ga "sɔɔdhu (35) 'ka. = Wa 'go 'yɔn -bha, 'yö 'ka- -
nu -bha wɔ -dhe -kë -deta. 'Wëë- -yö = sofani 'gü -dedewo.



'Wɔn 'ö -gban -potaasiü -wɔn -bha.

"Gung "dhe

-Ka metii see" bhe 'bha 'sü. -Kaa -nu 'kplü kaan-, = ya 'go mü -ka = naanaa bhe -pëkësü (tan -sü) do
to "dhü kö 'ka- kaan- kaan-. 'Ka- kë sië "dhü kö gbaɔ "dhe 'ö 'ka- -nu bho 'nu -yö ka "sɔɔ. Pë -yaaga
(3) bha, -kaa -nu "zu -tiaandhe 'ka kö 'ka- -nu = gban 'to "dhü 'ka- -nu -kpa -së -dede 'ka. -A "yi bha,
'mε 'ö "gung 'dhö- -bha -a -mε -ya mü. -Yö -dhö -a "gbudhe yö-. Kö 'mε 'ö "gung 'dhö ü -bha, 'bha-
mü kö -Zlaan -yö dɔ kwa -wo 'gü kö 'ü kë "kliyüklü bha 'aa -yö kë -oo.

'Wɔn 'ö -gban troo -nu -bha me wɔkɔ -nu 'gü

= Badhong 'kpii- 'ö -ziö 'Mε 'ö 'kaa- 'wɔn dɔ, -kaa 'wɔn 'ka = dhe -kwe -yiisiö "pεpε = gban 'ka,
= badhong 'kpii- 'ö "kpungtaadhe -todhü -sü -kɔ 'dhö -kë 'gü, -yö -ziö. "Kεε "sanni -yö kë "dhü kö "sεgɔ
'gbε -waa -ma = kö 'kwëë- kë "dhü kö 'mε 'ö yöö 'dho -dedewo 'wɔn bha- -bha kö -yö dɔ. "Kɔdivua -sε
-yö -dhö 'dho- do bha, -a = ple -naa -mü = dhe = badhong 'dhe 'ö -gban metii -nu -de -sloɔ -bha 'pö 'ö
-kwe = ya ziö do -a = ple -naa, 'wo- -zuö bha, "Kɔdivua = ya genyen 'zü- -bha. "Kwi -a "su 'ö -kë
novanngblë 'ka bha, -a -bha -dhækpaɔyi -kaɔngdo ö ga -yiisiö (14) bha, "Kɔdivua waa- = Lagine -wo
kë = badhong -ziö 'Biya, 'ö "Kɔdivua 'ö 'bii- -yaaga -da -a -nu -ta. = Badhong bha yö = në = ya gun
= ya 'to kwa- = badhong -totaama -sü 'ka kö 'kwa gun 'dho -naa -a 'kpii- -bha. Kö -Pameame -ya

"Gwënnng

«-Zo -ya 'ka 'yaa ziaan -së bho më 'ka» Më 'bha -nu -zo -dhö -bö "këe kö- yi = ya ziö

Pë -Wlangda -sü

Danwo pö -me -nu kwa -bha =ya kë -së

Kwa -bha =ya kë -së -a -gen -mü =dhe -kwë 'ö -ziö ya, kwa kë -Zlaanwo 'sëedhë -wo -pö -Zlaanwoplöö "Maadhö.

-Wo kë- pö kwa -dhe =dhe -kwë 'ö ya, =mayeto -nu 'ö 'kwa dho kwa "tu 'to- -nu -bha 'pö- -kø -nu 'gü bha, -wo -dho nu- 'ka kwa -dhe. =Mayeto -nu bha =wa =loo 'Biya. "Kwi -a "su 'ö ya (əktəblë) 'ö 'kwa-

-dhe -zaan "yisü bha, 'ö sü -a -dhækpaøyi -kaɔng =ple ö ga do (21) 'ö yö- 'ka- -kaɔng =ple ö ga

-yaaga (23) -bha, =Kesi Dhifɔngsü 'dhö, "Dhɔɔgbö Zafe waa- më suu "wëe do 'bha mü -wo kë -a -nu =klang- -kë 'Baya =mayeto -nu bha, -a -nu -wɔn 'kun -kø -nu 'ka. Më -yaaga (3) bha woo -dede -wo -dho nu- "Maadhö -kwë ya- "dhiü 'to "töng 'gü kö -wo =klang- bha- -zɔn ka -dhe kö yë zü -yö bho. Kö kaa- -dheng -nu -wo ziaan-.

'Ka ka bo 'sëedhë ya- -wo pö -sü 'ka, 'wɔn 'bha =ya kë ka -gɔ kö 'ka pö yi -dhe, -ka 'sëedhë kë kö 'ka bø. Yii- 'drësü -mü **08 BP 857 Abidjan 08** 'ka. Tel. **08 18 08 88 / 06 39 04 88**

'Më -nu 'ö 'wo 'sëedhë 'ö ya- -kë, wo -mü =Sai Zoziasü , "Dhɔɔgbö Zafe, =Kesi Mɔyan Dhifɔngsü, Valangtén Vidrinö waa- Edhëna Pëdhækwalösökaya 'ö- -nu =gban =ple 'wo go Dhusi 'ö -da "Anesü 'ö go 'Suisü , -a -nu 'ka.